



Headlines

- प्रधानमंत्री नरेन्द्र मोदी होंरें आक्खेया ऐ जे आप्रेशन सिंदूर दी कामयाबी दा श्रेय रक्षा, उत्पादन च हर नमी तकनीक ते “मेक इन इंडिया” पैहल गी जन्दा ऐ।
- उपराज्यपाल मनोज सिन्हा होंरें जम्मू-कश्मीर ट्रांसपोर्ट ते रेल सेवाएं दे तेजिया कन्नै होआ रदे विस्तार दी सराहना कीती ऐ।
- किश्तवाड़ जिले च आतंकवादियें कन्नै छिड़े दा टाकरा अज्ज दुए रोज बी जारी ऐ।
- सुतंत्रता दिवस कोला पैहले समूलचे जम्मू-कश्मीर सुरक्षा बवस्था होर निग्कर करी दिती गेदी ऐ।
- ते जम्मू प्रांतै च 12 कोला 15 अगस्त तोड़ी परतियै भारी बरखा दे असार दस्से गे न।



PM-Op Sindoor

प्रधानमंत्री नरेन्द्र मोदी होंरें ऑपरेशन सिंदूर दी सफलता दा श्रेय तकनीकी शक्ति ते रक्षा क्षेत्र च “मेक इन इंडिया” आहली पैहल दी ताकत गी दिता ऐ। बेंगलुरु च इक समारोह गी सम्बोधित करदे हई मोदी होंरें आक्खेया जे पूरी दुनिया नै भारत दे इस नमें रुप गी दिक्खेया ऐ। उनें आक्खेया जे बन्नै पार आतंकवादी ठिकानें गी भारतीय सेना नै तबाह कीता ते

पाकिस्तान गी किश गै घंटें च गोडे टेकरने पर मजबूर करी दिता। तकनालोजी च आत्मनिर्भर होने दा आहवान करदे होई प्रधान मंत्री होरें सिफर दोष ते सिफर असर दे निर्माण मानके पर जोर पाया।

<><><><><><>

LG Dy. CM Vande Bharat

उपराज्यपाल मनोज सिन्हा होरें आक्खेया ऐ जे जम्मू-कश्मीर च पिच्छले किश बरे दौरान ट्रांसपोर्ट सरबन्धी ढांचे च खरा मता विकास होआ ऐ। “वंदे भारत रेल” जेड़ी अमृतसर थवां श्री माता वैष्णो देवी कटरा स्टेशन बश्कार शुरु होई ऐ, पर खुशी जाहिर करदे होई LG होरें आक्खेया इस रेल कन्नै अरामदायक ते तेज यात्रा सुविधा हासिल होग ते एह खिते दी अर्थ-व्यवस्था गी बी बढ़ावा देग। तौंआई उप. मुखमंत्री सुरेन्द्र चौधरी होरें बी इस गें दा सुआगत कीता ते गलाया जे एदे कन्नै धार्मिक सैलसफा गी बढ़ावा थहोग ते जम्मू-कश्मीर ते पंजाब बश्कार रिश्ते मजबूत होगन। उनें आक्खेया “वंदे भारत रेल” हफते च 6 दिन चलौग। एह रेल मंगलवारें नैई चला करोग।

<><><><><><>

Kishtwar Encounter

किश्तवाड़ जिले दे इल-क्वार इलाके च सुरक्षाबलें ते पाकिस्तानी आतंकवादियें बश्कार टाकरा अज्ज दुए रोज बी जारी ऐ। एह कारवाई कल बड्डलै, इक खूफिया जानकारी थोहने परैन्त शुरु कीते गेदे तुपाई अभियान दौरान आतंकवादियें कन्नै झत्त होने दे बाद शुरु होई ते लगभग पूरी

धेयाड़ी दौने बक्खी रुकी-रुकियै गोलीबारी हुन्दी रेई। जानकारी मुजब उत्थे छप्पे दे आतंकवादियें दी गिनतरी 2 दस्सी जा रदी ऐ। सुरक्षाबल इस चुनौती गी खत्म करने लेई पूरी चाली डटे देन।

<><><><><><>

Kathua Bridge

कठुआ दे जिला विकास कमीशनर राजेश शर्मा होरें सीमा सिडक संगठन BRO आसेया महानपुर पेडू नाले पर बनाए जा रदे पुलै दे निर्माण कम्मै दा निरीक्षण कीता। दौरे दौरान केंई सीनियर अफसर वी डी.सी. हुंदे कन्नै गेदे हे। इस मौके उनें निर्देश जारी कीता जे कम्मै दी रफ्तार च तेजी आंदी जा तां जे एह कम्म 20 अगस्त तोड़ी पूरी चाली मुकम्मल होई सकै। BRO दे अधिकारियें उनेंगी जानकारी दिती जे पुलै पर हौली गड्डियें दी इक तरफा आओ-जाई शुरु होई चुकी दी ऐ। जिसलै के बड्डी गड्डियें गी लंघने आहला रस्ता भारी बरखा करी खराब होई चुके दा हा, जिसी ठीक कीता जा रदा ऐ। डी.सी. होरें जोर देइयै आक्खेया जे एह महानपुर-बसोहली दा इक महत्वपूर्ण रस्ता ऐ एहदा समे-सिर तोड़ चढ़ना बड़ा जरुरी ऐ।

<><><><><><>

Jammu Dekho Sabko Dikhao

जम्मू दे सैलसफा मैहकमे नै “जम्मू देखो, सबको दिखाओ” नां कन्नै इक्क दिलचस्प अभियान रम्भेया ऐ, जेदे राहें कन्टेंट क्रिएटर्स ते इन्फ्लुएंसरस गी साद्दा दिता गया जे ओह खिते दियें ऐसी बेगौरी थाहरें दा पता लाइयै उनेंगी लोकें दे सामने आनन, जेड़ियां कुदरती खूबसूरती कन्नै भरोची दियां न। जम्मू दे आध्यात्मिक, सांस्कृतिक, कुदरती ते विरासती आकर्षणें गी उजागर

करने दे मकसद कन्नै रम्भे गेदे इस अभियान दे तैहत बड़ी रियायती दरें पर बक्ख-बक्ख थ्हारें दे दौरें दी सेवा उपलब्ध करोआई जाग। इस दरान प्रतिभागी बड़े उच्चे म्यार आहली सामग्री जियां वीडियो, रील ते ब्लॉग्स बगैरा त्यार करदे होई अपने अनुभव बी इन्दे कन्नै सांझे करगंन। प्रतिभागियें दे रौहने-बौहने, यात्रा ते साज-समेयान दा सारा बंदोबस्त सैलसफा मैहकमे आसेया कीता जाग। मुख्य भरै दे क्रिएटरें गी एह साददा दिता गया ऐ जे ओह इस अभियान कन्नै जुड़न ते जम्मू दी खूबसूरती गी दुनिया तगर पजाने दा कम्म करन।

<><><><><><>

I Day Arrangements

स्वतंत्रता दिवस गी देशभक्ति आहली, भावना जोश-ओ-खरोश कन्नै मनाने लेई जम्मू-कश्मीर च त्यारियां जारी न। इसदे लेई पूरे प्रदेश च व्यापक इंतजाम कीते जा रदे न। सुरक्षा दे पुख्ता बंदोबस्त कीते गे न ते निगरानी बी बदाई दिती गई ऐ। सांस्कृतिक कार्यक्रम ते “हर घर तिरंगा” अभियान स्कूल, कालेज ते सरकारी दफ्तरें च आयोजित होआ रदे न। लोक बी आजादी का अमृत महोत्सव च बदी-चढ़ियै हिस्सा लै रदे न। DSP डोडा अजय आनंद होरें इंतजामें बारे गल्ल करदे होई आक्खेया.

<><><><><><>

Tiranga Rallies

जियां-जियां सुतंत्रता दिवस नेहड़े आवै करदा ऐ, इसी लेइयै बजारें च रौनक, लोकें अंदर उत्साह ते इत सरबंधि गतिविधियें च तेजियां कन्नै बाद्दा दिक्खने गी लब्बै करदा ऐ। इस सिलसिले

च देशभक्ति, स्वच्छता, बक्ख-बक्ख प्रतियोगितां वगैरा दा आयोजन कीता रदा ऐ। उत्थै गै तिरंगा यात्राएं दा जोश ते उत्साह चबक्खियां दिक्खेया जाई सकदा ऐ। उधमपुर जिले च केन्द्री मंत्री डाक्टर जितेन्द्र सिंह होरें शहीद कैप्टन तुषार महाजन स्टेशन थमां “तिरंगा यात्रा” ते “हर घर तिरंगा” अभियान दी शुरुआत कीती। इस मौके पर खरी मती गिनतरी च लोक मजूद हे, इस मौके गल्ल करदे होई BJP दे उधमपुर दे जिला प्रधान अरुण गुप्ता होरें आक्खेया

तौआई किशतवाड़ जिले च बी इस सिलसिले च चौगाम मैदान च इक स्वच्छता अभियान चलाया गया, जिस दौरान लोकें सफाई सरबन्धी मुहीम च हिस्सा लैता। जिला विकास कमीशनर पंकज कुमार शर्मा हुंदी अगुआई च आयोजित इस कार्यक्रम दौरान लोकें स्वच्छता संगंध लैती ते “सेल्फी विद तिरंगा” अभियान च बी शिरकत कीती। इससै चाली जम्मू जिले च बी पुलसै आसेया इक बाईक तिरंगा रैली दा सरिस्ता कीता गया, जेहदे च 30 मोटर-साईकल, 10 श्री व्हीलर ते 90 लोकें पुरन नगर चौक थमां लेइयै महाराजा हरि सिंह हुंदी मूर्ति तगर रैली कड्डी।

<><><><><><>

Mission Yuva

रामबन जिले च मिशन युवा तैहत नौजवानें दा सशक्तिकरण होआ रदा ऐ। इस स्कीम तैहत युवा खास करी महिला बी माली इमदाद हासल करियै अपने कम्म-रोजगार करा रदियां न। इसदे कन्नै समुदायिक, विकास, समाजी, न्यां ते पर्यावरण संरक्षण च बी मदद होआ रदी ऐ। मिशन युवा छड़ा रोजगार दे मौके गै नैई उपलब्ध करोआ रदा, सगुआ नमिये काहड्डे, आत्म-निर्भर बनने च आर्थिक विकास च बाददा करा रदा ऐ।

<><><><><><>

Weather

मौसम विभाग नै 12 थवां 15 अगस्त बशकार जम्मू खिते दी केंई सारी थाहरें पर बरखा पौने ते अंधी-झक्खड़ झुलने दी पेशगोई कीती ऐ। किश थाहरें पर भारी बरखा बी पेई सकदी ऐ। ताजा आंकडे मुजब जम्मू खिते च बरखा सामान्य थवां इक फीसद घट्ट होई, जिसलै कि कश्मीर घाटी च 32 फीसद घट्ट होई ऐ। प्रशासन नै लोकें गी मौसम सरबंधी परामर्श दिक्खने ते सुरक्षा सरबंधी दिशा-निर्देश दी पालमा करने लेई आक्खेया ऐ।

<><><><><><>